

湖廣通志

湖廣通志

岳州府詩類

本府

巴陵縣附

題

君山

李白

帝子瀟湘去不還
空餘秋草洞庭間
淡掃明湖開玉鏡
丹青畫出是君山

劉禹錫

湖光秋色兩相和
潭面無風鏡乍磨
遙望洞庭山擁翠
白銀盤裏一青螺

麻溫其

湖邊景物屬秋天
樓上風光似去年
僊侶侯生留福地
湘娥帝子寄哀絃
雲間身繞軒臺外
木葉偏飛楚客前
極目江山何處

是一帆萬里信歸船

洞庭湖

李白

二首

洞庭西望楚江分
水盡南天不見雲
日落長沙秋色遠
不知何處吊湘君

日晚湘水綠孤舟無端倪
明湖張秋月獨泛巴陵西
遇蕙裴逸人岩居凌丹梯
抱琴出深竹爲我彈鷓鴣
田盡酒亦傾北牕醉如泥
人生且行樂何必組與珪

杜用

蛟室圍青草龍堆隱白沙
護堤盤古木迎拜舞神鴉
破浪南風正回檣畏日斜
湖光與天遠直欲泛靈槎

孟浩然

八月湖水平涵虛混太清
氣蒸雲夢澤波撼岳陽城
欲濟無舟楫安能渡長川

樽前居負聖明坐觀垂釣者從有羨

情

訐棠

驚波常不定半日鬢堪班四顧疑如

地中流忽有山鳥高常畏

渺間

劉長卿

萬古邑丘戌平湖北望長問人何

秋愁暮更蒼蒼疊浪浮元

氣中流沒大陽孤舟有歸客早晚

達瀟湘

方干

楚雲團翠八百里澧蘭吹香隱隱春水白頭漁子搖蒼煙鷓鴣眠

沙曉驚起沙頭龍更夜歎憂憂笛未響春風羞露寒紫鷺結新

愁城角泣斷關河秋滴僊欲識雷斧手刻却古今愁共醜鯨遊

碧落香無蹤作詩三嘆君知否瀟洲一棹何時清江宮錦看

湖山

譚用之

江上陰雲鎖夢魂，江邊深夜舞劉琨。
秋風萬里芙蓉國，暮雨千家薜荔村。
鄉思不堪悲橘柚，旅遊誰肯重王孫。
漁人相見不相問，長笛一聲歸島門。

張泌

征帆高挂酒初酣，暮景離情雨不堪。
千里晚霞雲夢北，一洲霜橘洞庭南。
溪風送雨過秋寺，澗石驚龍落夜潭。
莫把羈魂吊湘魄，九疑愁絕鎖煙嵐。

空江浩蕩景蕭然，盡日孤蒲泊釣船。
青草浪高三月渡，綠楊花撲一溪煙。
情多莫舉傷春目，傷極兼無買酒錢。
猶有漁人聚家，住不成村落夕陽邊。

乾坤千里水雲闊
釣艇如萍去復還
樓上北風斜捲席
湖中西日倒銜山
懷沙有恨騷人往
鼓瑟無音帝子閑
何事黃昏尚凝睇
數行煙樹接荆蠻

洞庭湖阻風贈張十一署

韓愈

十月陰氣盛
北風無時休
蒼茫洞庭岸
與子相維舟
霧雨晦爭泄
波濤怒相投
犬鷄斷四聽
糧絕誰與謀
相去不容步
險如礙山丘
清談可以飽
夢想接無由
男女喧左右
餓啼但啾啾
非懷北歸興
何用勝羈愁
雲外有白日
寒光自悠悠
能令暫開霽
過是吾無求

岳陽樓

不備錄歷代名人詩者其說已見武昌黃鶴樓下

杜子美

昔聞洞庭水今上岳陽樓
吳楚東南坼乾坤日夜浮
親朋無一老病有孤舟
戎馬關山隔憑軒涕泗流

李太白

樓觀岳陽盡川迥洞庭開
鴈引愁心去山銜好月來
雲間連下榻天上接行杯
醉後涼風起吹人舞袖迴

軒轅臺

胡曾

五月扁舟過洞庭魚龍吹浪水雲腥
軒轅黃帝今何在回首巴山蘆葉青

洞庭南館

張祐

一逕繞霜林木欄俯碧岑
地盤雲夢角山鎮洞庭心

宋

君山

蘇軾

沙磧高高聳玉堆，洞庭景象勝蓬萊。
橫北斗，銀河近浪拍西江。
金鎖開，表裏澄清。明日日月滄浪空闊，隱雲雷。
龍宮鮫室深如許，著我扁舟去復來。

孔庭植

萬頃湖光出翠微，彤雲斜蘸碧琉璃。
乾坤混沌浮元氣，樓閣陰晴幻四時。
柳井龍歸岩雨溼，蕭山樹影滿雲移。
何時再共飛僊過，爲借空中鐵笛吹。

甄良友

風定空澄氣渾然，恍如太極未分前。
祇因有浪知爲水，若是無雲總是天。
舊說君山張帝樂，新聞老木識飛僊。
而今大洞黃庭客，又著題詩記歲年。

李炎子

楊柳青青繞荻門，維舟來訪洞庭君。
水光相映八百里，秋意勝添三五分。
破曉鴈聲呼出日，拍天龍氣吐成雲。
直爲太史公遊處，把此江山助此文。

李應春

洞庭浩渺九州間，誰向中央著此山。
媯氏補天遺礫石，湘妃蘸水掠雲鬟。
煙開綠樹鳥聲樂，水隔紅塵僧夢閑。
想爲高唐難著語，林蘿終待印禪關。

洞庭湖

呂蒙正

八月寒濤撼碧空，片帆悠颺信秋風。
探珠直待驪龍曉，莫遣迷津浩渺中。

白玉蟾

帆腹膨膨飽北風一彈指顧萬山空天垂九馬層雲外人在孤
鴻過影中昔日曾遊銀世界飛精復謁水晶宮湖神波吏須相
識吾在神霄舊有功

許右丞

兩日肩輿興未闌孤舟留滯亦成歡洲添沙山寺逾遠風捲水
回湖欲乾杯蟻綠浮春破臘燭紅落地夜驚寒天將增飾君山
景要我明朝雪裏看

小重山調

岳飛

昨夜寒蛩不住鳴驚回千里夢三更起來獨自遠階行人悄悄
簾外月籠明白首爲功名舊山松竹老阻歸程欲將心事付瑤
琴知音少絃斷有誰聽

烈女自述

韓氏

我質本瑚璉宗廟供蘋蘩一朝嬰禍難失身戎馬間寧當血刃
死不作衽席完漢上有王猛江南無謝安長號赴洪流激烈摧
心肝

元

君山

賈雲石

北溟魚背幾千里負我大夢遊弱水蓬萊隔眼不盈拳碧落香
銷吹不起茜裙女兒懷遠遊遊人不回明月羞寶釵綰髻翠欲
流風鬟十二照暮秋女媧鍊石補天手手拙石開露天醜瓊樓
玉宇亦人間直指視君君見否斯須魚去夢亦還白雲邀我遊
君山

許有壬

蓬萊瀛海飛渡難世人可聞不可攀水環千里萃高景天下奇

絕惟君山湘君南去九疑遠淚洒脩竹留餘斑
龍歸海渚不盡終天有恨埋煙鬟長松豫樟
蔚老翠彌巖披怒紛班班三湘晝夜助勺水
雨湖今古浮連環霜空木落快神覽坤倪軒豁
呈天慳只疑六合總是水水外不復知塵寰洞
庭龍祠縹緲見蜃樓千尺搖青殷長風有時
駕巨浪掀簸百恠愁神奸操舟之人膽欲落
回頭却羨山人閒嗟余夙願今始遂捫蘿拾
級寧辭艱要窮勝事更繼畧列炬宿鳥從驚
翻禪房深處借一榻清夢已滌三生頑相從
四子盡儒雅詞源萬斛詩湯淺飛吟亭中酒
未醒岳陽樓上詩方剛五城回首飛佩去九
霄清響留人間陰風剪水夜霏霏似愛遊人
不遣歸山學湘君爲綰素霞疑淵客獻珠璣
花開萬木春難盡臺廳重湖凍不飛冰王先
中棹歌起此行奇觀百年稀

伯顏

鄂渚天開出畫圖
君山螺立洞庭湖
登樓西望江分楚
倚檻東臨水圻吳
浩浩海潮游赤壁
悠悠雲氣隱蒼梧
人生擾擾成何事
却羨沙邊釣艇孤

歐陽玄

女媧搏土擲虛空
山距湖心面勢雄
一畫義文天地骨
九江鯨觀鬼神功
裾飄帝子蒼茫外
樂奏鈞天瀕洞中
可惜當年洙泗客
觀瀾不到楚諸熊

陳益稷

洞庭衝風千里瀾
摧舟折棹須臾間
青蛇道士却笑我
十年年中三往還
輕風飄飄天一環
吟懷浩蕩蛟龍間
軒轅蕭鼓泚無處
萬千孤月搖蒼寒
巴陵城頭煙漫漫
中流引水遶朱欄
東流

到海寧復還滌雪萬古餘君山腥風午夜裂千關龍堆出沒雲
濤端湘靈歸佩聲珊珊驚起碧海飛金丸

君山寺

何英

洞庭湖上有君山寺在山頭竹樹間
牕外日從波底出船中僧自岳陽還
沙分玉屑浪痕白雨打莓苔石縫斑
世上幾人能到此水雲繚繞隔塵寰

湘君廟

劉漢傑

巍我宮殿鎮重湖聞說神龍此所都
沙頭堆成洲嘴壯風濤撼動客心孤
衝波水鳥浮還沒隔浦風帆有若無
我欲橫空飛一劍憑誰寫作朗吟圖

廖政華

維纜行香謁洞庭蜃樓高處眼偏醒
前近磊石堆藍翠後擁君

山染黛青對月舉杯邀北斗倚天仗劍望南溟我來飽挹重湖
景瀟墨留題記所經

洞庭湖

歐陽玄

江出夷陵西復西東陵城上倚天梯月生巫峽尋常見雪壓君
山一字低巖客朗吟歸鶴遠巴童清夢曉猿啼如何儻絕東南
觀不遣謫仙蘇二題

趙制參

西帆來上過潭州千里長江豁醉眸日燐金沙堆鴈磧浪翻銀
屋隱龍樓磬敲雅韻仙風集爐噴祥煙白日浮何日痴兒了公
事須尋范蠡泛扁舟

張寺丞

巨鰲伏土頂金沙幻出馮夷水底家千頃風濤無日夜一區樓

閣揮煙霞清晨天岳鐘聲近落日君山翠影斜萬斛吟愁乘酒興倚闌無奈櫓嘔啞

洞庭中廟

周岳秀

江湖波浸碧天旌封香火幾十年風濤澎湃魚龍舞棟宇崢嶸燕雀遷遠岫望中濃淡樹斜陽影裏往來船江河頭借吹噓便恐有神功在目前

韓氏真節

貢師泰

尚書子婦魏王孫清白傳家節更文諸將已捐南渡主孤身猶坑北來軍血書夜灑巴陵月烈氣秋橫鄂渚雲欲吊忠魂無覓處唯應瑤席從湘君

彭案

巴陵郡西江水渾赤沙黃壤東南奔邇來湜湜已百載中有婉